

陝西金石志

三 函

陝西金石志卷二十三

續修陝西通志稿卷一百五十七

金石二十三

宋

心印妙經

存崇寧元年錄後

石高四尺八寸廣二尺五寸分兩截上刻天尊像三曰大羅
元始天尊尋聲救苦天尊太一救苦天尊下截經十行二十
上一字末小字六行書年號并記人名道士李宗顏正書額題太
上說九幽拔罪心印妙經相十二字亦正書石裂爲三在耀州

太上說九幽拔罪心印妙經

爾時元始天尊坐七寶殿放大光

明遍照世界觀見罪口受諸苦惱沉淪生死受報無窮於是救苦

真人即從坐口瞻仰尊顏長跪問曰是諸衆生以何因緣飄蕩苦

海沉沒無邊天尊告曰如是衆僧受諸惡業皆由自心妄想口倒

不悟無口一切罪根皆從心起天堂快樂自有心生三界沈淪亦

從心起心生邪見妄想貪嗔心生惑亂存口非真心懷殺害受諸

類身心生諂曲以道無因心生虛寂以道相親重宣此意而作偈
曰 大道澄廓元理幽深先天而生運化古今道無形口澄慮身
心不貪口慾不嗔不淫是非莫識表裏思尋身心清淨煩惱不侵
無起無滅冥莫難斟口然空寂了心無心自然合道口口口欽口
朝金闕遊玩寒林七祖解脫永口幽陰皆契心印悟道合真念念
相繼勿口塵心 是時受苦衆生聞說口法咸皆解脫衆真作禮
皆大歡喜稱揚讚嘆依教奉行 太上說九幽拔罪心印妙經

大宋崇寧元年四月二十五日耀州美原口主宋永於本縣聖帝
東廟立石以此功德先用上祝皇帝龍圖啟煥鳳曆騰芳慶祚無
疆洪基永口公卿明允攸序皇猷文武雄才孔修帝業次願士農
工商一切等衆各協康安遍增悅豫然冀口關口族長夜沉寃脫
死錄於酆山躋福堂於淨土飛沉動植俱獲逍遙法界有情同登

道岸住口講經口士劉善淵校勘同住持道士孔道仲勸緣口口坊紫口口口道士李宗顏書泥陽劉源刊王鼎李康武良梁松莫泰賀口雷成張永南謹讚成

梅澤詩并題記

存崇寧詩記見王氏金石萃編

石橫廣二尺七寸七分高二尺二寸七分十九行行十四字梅澤詩四首崔珙行書僧紹利立石在鄂縣

余既得珙書李駒詩表而出之以爲希有其後又得所書吳郡梅說之過草堂望終南等詩四首又題尾一段津津然有味于山水之間思往而不可得者梅之寄意不淺矣使非珙爲之書刻後世之人何從而吊其遺蹤焉始知山川之奇與人胸中之秀筆底之神率相待而成一時之盛乃山川有更移時勢有隆竅而人之心胸脈脈流行不絕又相爲灌注始終不爾猶歸於變滅悲夫誰爲後來者當與此心期已

墨林快事

修唐太宗廟記

存崇寧元年見王氏金石萃編

碑連額高八尺六寸廣三尺五寸八分二十行行三十五字趙茂曾撰文朱光旦正書并題額在武功縣

按唐太宗廟在乾州武功縣城北武功縣志云今前殿爲鴻禧觀祀老氏明嘉靖末所建也碑引唐紀云太宗文皇帝以隨開皇十八年十二月戊午生于武功之別館今唐書太宗紀無此語不知其何本也今紀云貞觀二十三年五月己巳崩年五十三由貞觀二十三年逆推五十三年是爲隨開皇十七年此云十八所未詳也碑云武功縣南有慶善宮今爲慈德寺北日報本寺神堯之舊宅也据縣志金大定十六年勅賜崇教禪院卽此寺也報本寺在縣西北一里本唐高祖舊宅大中元年建爲寺依山立刹中有浮圖高二十尋偉然一邑之望太宗廟建於元祐三年游師雄因鬼章青宜結構夏人爲亂謀分據熙河詔

師雄往使擒鬼章報捷遷陝西轉運判官提點秦鳳路刑獄建

廟即在是時師雄有弟師韓傳所不載賴此碑及之王氏金石編

淨相院橙軒詩刻存崇寧壬午王氏金石萃編

石橫廣二尺一寸五分高一尺七寸二分十行行八字彭迪明

王碩題忠武王廟碑記佚崇寧元年

石佚不計尺寸正書原在宜川元豐二年勅封忠武王記之上

王益題名十二段詳見王氏金石萃編

張元翊等題名存崇寧元年

橫廣四尺四寸四分高三尺七寸六分七行行五六字左行正

李口等題名存建炎己酉

高二尺五寸廣一尺九寸五分七行行十字十一字不等左行

晏德廣等題名存熙甲辰

高三尺一寸廣二尺九寸三行行六字七字不等隸書共二人

石邵等題名

存
乙巳

橫廣三尺一寸三分高三尺三寸五分六行行七字八字不等
隸書共三人

閻丘資深等題名

存
慶元二年

高四尺一寸廣二尺四寸三行行七字八字不等隸書共三人

曹濟之等題名

存
紹定己丑

三行行八字正書共四人

郭嗣卿等題名

存
慶元

高二尺廣一尺五寸五分三行行四字正書共三人

牟節甫等題名

存
開禧二年

高一尺九寸五分廣一尺五寸四分四行行四字五字不等正
書共二人

安丙等題名

存
嘉定己巳

高一尺八寸八分廣一尺五寸三分四行行七字八字不等正

何武仲等題名

嘉定辛未

高一尺九寸五分廣一尺五寸五分七行行六字七字不等正

李一鰲題句

無存年號

高四尺六寸四分廣三尺七寸五行行四字正書

李口熊題名

嘉定

三行行三字隸書

按玉盆在褒水中詳見前卷石門題名此題名中有因禱雨而至者有因眎堰而至者亦詳見前跋此題率多缺泐其來遊姓名全見者得三十四人惟安丙一人史有傳餘俱無攷丙字子文廣安人淳熙間進士開禧二年邊事方興程松爲四川宣撫使吳曦副之內陳十可憂于松言曦必誤國旣而曦奏丙爲隨

軍轉運司居河池十一月金人攻湫池堡破天水繇西河入成
州十二月金人持詔至曦受詔稱蜀王三年正月曦僭號建官
稱臣於金以丙爲中大夫丞相長史權行郎省事丙陽與而陰
圖之遂謀誅曦三月函曦首附驛朝廷上下動色交慶加丙端
明殿學士中大夫知興州安撫使兼四川宣撫副使卒諡忠定
著有晶然集此題嘉定己巳爲三年正吳曦伏誅丙知興州時
也晶然是其別號因以名集石邵等董堰徠登題云汎掃縱觀
方羊久之方羊二字見於左傳他書多作仿佯史記吳王濞傳
又作彷彿淮南子原道訓又作方洋皆即逍遙徙倚之意字異

義同

王氏金石萃編

武功縣學碑銘

崇寧二年文見王氏金石萃編

碑高八尺一寸廣四尺三寸五分二十一行行四十二字趙茂
曾撰文并正書篆額在武功縣

遊終南雜詠

存崇寧二年詩見王氏金石萃編

石高三尺六寸二分兩截皆十九行行十四字李駒七律
三首七絕六首崔琪書在褒城縣

李駒通判秦中留題終南而鄠令崔琪書刻石駒詩琪書皆不

離宋人本色崔琪是又一人非唐廢起相判鳳翔者

趙氏石墨
鐫華

按此詩共九首草堂宿紫閣漢陂七律三首雲際院等七絕六
首而墨林快事謂七律二絕句八共十首者誤也

褒城縣學記

存崇寧二年記見王氏金石萃編

碑連額高八尺七寸五分廣四尺九寸五分二十行行三十
六字蘇時撰文謝實正書閣師敏篆額張元翊立石在褒城縣

按陝西通志褒城縣學慶歷間倚於江岸竇充宰褒建自有記
崇寧中張克獲移治西三十步蘇時有記即此碑也碑文殘缺
惟慶歷中及度地不善濱江水庫令尹魏郡張克獲等語尚可
詳譯碑建於崇寧二年六月癸未云詔天下州縣皆得立學者

是時方推廣元豐三舍之法行于縣邑因令縣邑皆置學褒城
縣舊有學至是因移建也慶歷竇充碑已見前

王氏金石萃編

石門題名十八段

詳見王氏金石萃編

賈公直等題名

存 紹聖乙亥

石高二尺廣一尺六寸五分五行行六字餘次臯正書在褒城縣共四人

楊達等題名

存 崇寧乙酉

高三尺四寸廣一尺五寸三行共十四字正書共二人

李峯等題名

存 無年號

一行十字隸書共三人

文玉恩等名題

存 崇寧五年

高二尺廣一尺四寸五分七行行五字七字不等正書共三人

文岡等名題

存 淳熙丁未

高六尺二寸五分廣一尺六寸三行行十三字正書共四人

張伯山等題名

存 熙己酉

高三尺八寸五分廣一尺四寸五分僅存三行行十字十一字不等正書共四人

趙公茂等題名

存 元丙辰

高三尺二分廣一尺七寸五行行七字九字不等正書共七人

宋積之等題名

存 元丁巳

高五尺一寸廣三尺五寸八行行十一字十二字不等行書共五人

范鼎等題名

存 元丁巳

高二尺二寸五分廣一尺五寸三分三行行六字正書共三人

王還嗣等題名

存 元戊午

高三尺七寸六分廣一尺一寸七分僅存二行行九字正書共四人

郭公緒等題名

存 嘉定庚午

高五尺廣二尺五寸三行行八字左行正書共四人

鮮于申之等題名

存
嘉定三年

高六尺二寸五分廣一尺一寸四行行十六字隸書共六人

劉參等題名

存
嘉定辛未

橫廣二尺高一尺五寸五分五行行六字七字不等左行隸書共四人

趙彥口等題名

存
寶慶丙戌

高四尺二寸五分廣一尺九寸四分七行行十五字隸書共九人

曹濟之等題名

存
紹定己丑

高二尺三分廣一尺七寸三行行六字正書共四人

郭仲辰等題名

存
辛未

高二尺四寸七分廣一尺二寸七分四行行四字左行正書共二人

李炳文等題名

存
無年號

高三尺三寸廣一尺七寸二行行六字隸書共四人

宋之源等題名

無存號

橫廣二尺五寸五分高二尺四寸二分四行行四字正書共三人

按石門在陝西漢中府褒城縣水經注褒水又東南歷小石門石門穿山通道六丈有餘刻石言漢永平中司隸校尉楊厥所開建和二年太中大夫王升嘉厥開鑿之功琢石頌德此題名中有慶元丙辰趙公茂等同來觀漢刻即指建和二年王升所刻頌也水經注又云褒水西北出衙嶺山東南經大石門歷故棧道下谷輿地紀勝云山河水即褒水出太白山有白玉盆在水中大石光白中可實五斗米漢中府志云褒水東岸有石自然如盆光潔如玉又堰界石在縣東三里龍江中上石橫刻使府打量到下鐫石古界從此石至南大宋乾道元年十一月初

五日眉山史可觀記下一石鐫制置大使司提修造張儀准相命檄自嘉定三年至七年督責軍人董工治堰嘉定七年二月記今此題名有慶元丁巳成都宋積之等來遊觀玉盆卽輿地紀勝所稱白玉盆也又嘉定三年鮮于甲之眎堰山河沂褒水登石門又寶慶丙戌趙彥口等眎堰修祀事徠玩玉盆登石門所謂眎堰卽府志所稱之堰界石也蓋堰在褒水中爲水利之所重故界石鐫乾道元年及嘉定七年二記此題名正當其時趙彥口題又有口竹潭口雪步口雪舊有亭云云地名缺泐不可攷矣題名共十八段綜計姓名可見者得五十九人泐者不與焉其中見於史者有李燾一人傳稱燾字仁甫眉州丹稜人乾道八年直寶文閣帥潼川兼知瀘州首葺石門堡以扼夷人淳熙改元被召此後未嘗歷外任而以前亦未嘗官漢中不知

與此李燾是一人否姑識之餘俱無攷

王氏金石萃編

建安黃公詩

存崇寧三年詩錄後

石高三尺廣二尺八寸二十三行行二十二字黃孝先詩東長
濡行書在咸陽縣署內

建安黃公詩

留題清渭樓

黃翁愛山不知休每日不下清渭

樓爲官落得官下隱愛山不得山中遊朝看暮看山更好古人今
人空自老天生定分不可移白雲悠悠寄懷抱 孤雁一絕并序

渭之中洲有孤雁常所棲止及渭漲沙移無復來矣抑去就自

決耶被害亦未可知故作詩以思之曰沙平水淺雁長棲水漲沙

移雁不知江海一身多少事清風秋月我沾衣 長孺嘗攷宋次

道春明退朝錄公名孝先字子思登開寶二年第終太常博士與

其從弟子溫名考恭者皆雅善詩爲宋元憲嘉賓而所錄子思句

獨有詠懷云日者未知裴令貴世人爭笑彌生狂重午云風簷燕

引五六子露井榴開三四花及來關中始見華清詩于臨潼壁間其警秀有不可及者如行人問宮殿耕者得珠璣使人益恨未覩公平生全編以快心目也崇寧丙戌春咸陽主簿吳修復誦其出宰是邑二詩格高趣深飄若來從天外視前所見又出其上且云元豐五年邑宰劉君倩固嘗刻之石矣而字細易缺復在縣廨往來士大夫鮮得口誦而心惟者請爲我大書入石將寘縣驛之壁吳君其好奇喜事者也三月晦宣德郎管句學事司文字蘭陵束長孺書 權尉崔奕 主簿吳修復 縣令仲元 李壽永刊

按此石黃公二字尙顯明詩內且有黃翁愛山不知休之句而陸氏金石續編謂之王公且云關中金石記以王作黃未見拓本姑仍之既未見拓本何以直云王公不可解

靜應廟記

存記見王氏金石萃編
崇寧三年